



ZENIČKO-DOBOJSKI KANTON

VLADA
n/r Premijera
n/r Sekretara

Broj: 09-14-2672-1/14
Zenica, 11.03.2014. godine

PREDMET: Odgovor na poslaničko pitanje Šepić Senada, d o s t a v l j a s e

Predstavnički dom Parlamentarne skupštine Bosne i Hercegovine je aktom broj: 01/a-50-1-15-62/14 od 23.01.2014. godine, zatražio odgovor na poslaničko pitanje koju je poslanik Šepić Senad postavio dana 23.01.2014. godine. Pitanje poslanika Šepić Senada se odnosi na usaglašavanje propisa na svim nivoima BiH u cilju utvrđivanja jednakih osnovica za porodijsku naknadu tokom trajanja porodijskog odsustva, te usaglašavanje propisa koji definišu naknade plate zaposlenicama koje su na bolovanju i refundiranje tih naknada iz fondova zdravstvenog osiguranja.

Nakon razmatranja poslaničkog pitanja, Ministarstvo za rad, socijalnu politiku i izbjeglice daje:

Mišljenje

Ustavom Federacije Bosne i Hercegovine, i to u dijelu III- Podjela nadležnosti između federalne i kantonalne vlasti, članom 2. utvrđeno je da su za provođenje socijalne politike na području Federacije nadležni federalna vlast i kantoni, tj. nadležnost je podijeljena.

Na području Federacije BiH pravo na porođajno odsustvo je jedno od prava iz radnog odnosa, i kao takvo utvrđeno je Zakonom o radu („Sl.novine F BiH“, broj: 43/99, 32/00 i 29/03), koji samo propisuje pravo na naknadu plaće za vrijeme korištenja porođajnog odsustva članom 62. stav (1).

Ovo pravo svrstano je i u domen socijalne politike i to osnovnih prava porodice sa djecom i kao takvo propisano je članom 89. Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09- u daljem tekstu: Federalni zakon). Istim zakonom u članu 90. stav (2) utvrđen je pravni okvir da kantoni imaju mogućnost da svojim propisom bliže urede uvjete, način, postupak, organe i finansiranje prava na naknadu plaće za vrijeme porodijskog odsustva na području svog kantona.

Slijedom navedenog, članom 120. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom („Sl.novine Zeničko-dobojskog kantona“, broj: 13/07 i 13/11, u daljem tekstu: Kantonalni zakon),propisano je da osnovicu za naknadu plaće predstavlja prosječna plaća koju je žena-zaposlenik ostvarila u periodu od 6 mjeseci, prije početka korištenja odsustva zbog porođaja, članom 121. stav (1) propisano je da se naknada plaće utvrđuje se u visini iznosa od 80% od osnovice za naknadu plaće iz člana 120. stav (2) ovog zakona, a stavom (2) istog člana da naknada plaće, iz stava (1) ovog člana, ne može biti veća od prosječne, posljednje, objavljene neto plaće Kantona.

Prema Programu rada u Ministarstvu za rad, socijalnu politiku i izbjeglice Zeničko – dobojskog kantona planirano je provođenje procedure oko izmjene Kantonalnog zakona, kojim će biti uređeno da isplatu naknade i obračun i uplata doprinosa vrši poslodavac, koji ima pravo



na refundaciju sredstava. Navedene izmjene dosadašnjeg načina uređenja ovog pitanja na način da uplatu naknada i doprinosa porodiljama vrše centri za socijalni rad, su prije svega neophodne zbog problema oko vođenja uplata doprinosa (tzv. MIP obrazci u Poreznoj upravi), jer se zaposlene porodilje u Poreznoj upravi vode kao zaposlenice cantara za socijalni rad.

Ovim putem ističemo da zaposlene porodilje u Zeničko-dobojskom kantonu imaju znatno povoljniji položaj u odnosu na porodilje u drugim kantonima, iz razloga što pored naknade plaće, ovo Ministarstvo za zaposlene porodilje iz Zeničko-dobojskog kantona snosi troškove uplate zakonom propisanih doprinosa i poreza, zbog čega se isplatu naknada plaća i uplatu doprinosa porodiljama iz Budžeta Zeničko-dobojskog kantona izdvajaju značajna sredstva.

Pitanje poslanika je društveno korisno, u smislu poboljšanja statusa zaposlenih porodilja. Međutim, stajališta smo da ako nadležnost provođenja socijalne politike bude na nivou Bosne i Hercegovine, i budu doneseni „krovni“ zakonu na tom nivou, koji će biti obavezujući i za niže nivoe, bit će moguće utvrđivanje jednakih osnovica za porodiljsku naknadu tokom trajanja porodiljskog odsustva za sve zaposlene porodilje na teritoriji Bosne i Hercegovine.

Dostavljeno:

2x Naslov

1x a/a

MINISTAR

Ivica Ćurić

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 155. stav 3. Poslovnika Predstavničkog doma Parlamentarne skupštine Bosne i Hercegovine (“Službeni glasnik BiH”, broj 33/06, 41/06, 81/06, 91/06, 91/07, 87/09 i 28/12), razmatrajući Poslaničko pitanje Šepić Senada poslanika u Predstavničkom domu Parlamentarne skupštine Bosne i Hercegovine, Vlada Zeničko-dobojskog kantona, na 156. sjednici, održanoj 19.03.2014. godine, d o n o s i

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice o Poslaničkom pitanju Šepić Senada, poslanika u Predstavničkom domu Parlamentarne skupštine Bosne i Hercegovine, koje se odnosi na usaglašavanje propisa na svim nivoima BiH u cilju utvrđivanja jednakih osnovica za porodijsku naknadu tokom trajanja porodijskog odsustva.

II.

Stav Vlade Zeničko-dobojskog kantona iz tačke I ovog zaključka upućuje se Predstavničkom domu Parlamentarne skupštine Bosne i Hercegovine.

III.

Zaključak stupa na snagu danom donošenja.

Broj: 02-_____/14.

Datum, 19.03.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,

1x Predstavnički dom Parlamentarne skupštine Bosne i Hercegovine,

1x a/a.